



Bosna i Hercegovina
Federacija Bosne i Hercegovine
KANTON SARAJEVO
Općina Hadžići
JAVNA USTANOVA
OSNOVNA ŠKOLA "HADŽIĆI"

Босна и Херцеговина
Федерација Босне и Херцеговине
КАНТОН САРАЈЕВО
Опћина Хаџићи
ЈАВНА УСТАНОВА
ОСНОВНА ШКОЛА "ХАѢИЋИ"

Bosnia and Herzegovina
Federation of Bosnia and Herzegovina
CANTON SARAJEVO
Municipality of Hadžići
PUBLIC INSTITUTION
PRIMARY SCHOOL "HADŽIĆI"

тф: +387 (0) 33 408-810, а: Zlatnih ljljana 57, 71240 Hadžići, BiH s: www.oshadzici.edu.ba m: oshadzici@oshadzici.edu.ba id: 4202256020005

ŠKOLSKI ODBOR

Broj: 06-49-1-1008/23

Datum: 13.10.2023. godine

1. **Jasmina Rahmanović**, *predsjednica, predstavnica Ministarstva*
2. **Sanela Sakić**, *članica, predstavnica radnika škole*
3. **Sabaheta Abdo**, *članica, predstavnica roditelja/staratelja učenika škole*
4. **Indira Mujezin**, *članica, predstavnica Općine Hadžići*
5. **Đenana Alispahić**, *direktorica škole*
6. **Sead Fatić**, *sekretar škole*
7. **Esed Čočić**, *sindikalni povjerenik Samostalnog sindikata osnovnog obrazovanja i odgoja FBiH - Kantonalni odbor Kantona Sarajevo*

Na osnovu člana 16. stav (4) Pravilnika o izboru, nadležnostima i načinu rada školskih odbora osnovnih škola Kantona Sarajevo („Službene novine Kantona Sarajevo“ broj: 35/17) i člana 6. Poslovnika o radu Školskog odbora JU Osnovna škola „Hadžići“ Hadžići (broj: 06-49-1-288-1/22 od 2.3.2022. godine i broj: 06-49-1-785/23 od 30.8.2023. godine), predsjednica Školskog odbora JU Osnovna škola „Hadžići“ Hadžići

S A Z I V A

20. sjednicu Školskog odbora koja će se održati *online*, u **ponedjeljak, 16.10.2023.** godine sa početkom u **08:00** sati. Za sjednicu je predložen sljedeći

D N E V N I R E D

1. Razmatranje i usvajanje zapisnika sa 19. sjednice Školskog odbora održane 28.9.2023. godine,
2. Prijedlog Odluke o raspisivanju javnog konkursa za popunu upražnjenih radnih mjesta u JU OŠ „Hadžići“ Hadžići i
3. Tekuća pitanja.

PREDSJEDNICA
ŠKOLSKOG ODBORA

Jasmina Rahmanović, dipl. oec.



Bosna i Hercegovina
Federacija Bosne i Hercegovine
KANTON SARAJEVO
Općina Hadžići
JAVNA USTANOVA
OSNOVNA ŠKOLA "HADŽIĆI"

Босна и Херцеговина
Федерација Босне и Херцеговине
КАНТОН САРАЈЕВО
Опћина Хаџићи
ЈАВНА УСТАНОВА
ОСНОВНА ШКОЛА "ХАЏИЋИ"

Bosnia and Herzegovina
Federation of Bosnia and Herzegovina
CANTON SARAJEVO
Municipality of Hadžići
PUBLIC INSTITUTION
PRIMARY SCHOOL "HADŽIĆI"

т/ф: +387 (0) 33 408-810, а: Zlatnih ljljana 57, 71240 Hadžići, BiH s: www.oshadzici.edu.ba m: oshadzici@oshadzici.edu.ba id: 4202256020005

ŠKOLSKI ODBOR

Djelovodni broj: 06-49-1-1010/23

Datum: 16.10.2023. godine

Na osnovu člana 94. a u vezi sa članom 88. Zakona o osnovnom odgoju i obrazovanju („Službene novine Kantona Sarajevo“ broj: 23/17, 33/17, 30/19, 34/20 i 33/21), člana 7. Pravilnika o radu JU Osnovna škola „Hadžići“ Hadžići (broj: 06-49-1-1016-1/22 od 30.06.2022. godine i broj: 06-49-1-1477-1/22 od 20.10.2022. godine), člana 86. Pravila JU Osnovna škola „Hadžići“ Hadžići broj: 2/2015 od 23.12.2015. godine, člana 4. Pravilnika s kriterijima za prijem radnika u radni odnos u osnovnim školama kao javnim ustanovama na području Kantona Sarajevo („Službene novine Kantona Sarajevo“ broj: 12/22 i 22/22) i Saglasnosti ministrice za odgoj i obrazovanje Kantona Sarajevo broj: 11-11-30-10210-4/23 od 6.10.2023. godine, Školski odbor JU Osnovna škola „Hadžići“ Hadžići na **20.** sjednici, održanoj **16.10.2023.** godine, jednoglasno *donosi*

O D L U K U

O RASPISIVANJU JAVNOG KONKURSA ZA POPUNU UPRAŽNJENIH RADNIH MJESTA

Član 1.

(Naziv radnih mjesta)

Raspisuje se javni konkurs za popunu upražnenih radnih mjesta:

a) na određeno vrijeme od okončanja konkursne procedure do 31.8.2024. godine za:

1. *Nastavnik bosanskog jezika i književnosti, hrvatskog jezika i književnosti, srpskog jezika i književnosti* - 1 izvršilac, 8 časova sedmično;
2. *Nastavnik njemačkog jezika* - 1 izvršilac, 9 časova sedmično;
3. *Nastavnik informatike* - 1 izvršilac, 7 časova sedmično;
4. *Nastavnik tjelesnog i zdravstvenog odgoja* - 1 izvršilac, 8 časova sedmično i
5. *Nastavnik likovne kulture* - 1 izvršilac, 7 časova sedmično.

b) na određeno vrijeme od okončanja konkursne procedure do povratka radnice s neplaćenog odsustva, a najkasnije do 31.8.2024. godine za:

1. *Nastavnik engleskog jezika* - 1 izvršilac, 19 časova sedmično.

c) na određeno vrijeme od okončanja konkursne procedure do povratka radnice s funkcije direktora škole, a najkasnije do 20.7.2024. godine za:

1. *Nastavnik razredne nastave* -1 izvršilac, puna nastavna norma.

d) na određeno vrijeme od okončanja konkursne procedure do povratka radnice s funkcije pomoćnika direktora škole, a najkasnije do 20.7.2024. godine za:

1. *Nastavnik razredne nastave* - 1 izvršilac, puna nastavna norma.

Član 2.

**(Opis poslova i potrebni uslovi iz Pravilnika
kojim se regulira organizacija i sistematizacija radnih mjesta)**

Opis poslova.

Radna mjesta: a) redni brojevi 1-5; b) redni broj 1; c) redni broj 1. i d) redni broj 1. (*Nastavnik bosanskog jezika i književnosti, hrvatskog jezika i književnosti, srpskog jezika i književnosti; Nastavnik njemačkog jezika, Nastavnik informatike, Nastavnik tjelesnog i zdravstvenog odgoja, Nastavnik likovne kulture, Nastavnik engleskog jezika i Nastavnik razredne nastave*)

Poslovi ovih radnih mjesta obavljaju se na osnovu Nastavnog plana i programa za osnovnu školu, Godišnjeg programa rada škole i Pedagoških standarda i općih normativa za osnovni odgoj i obrazovanje i normativa radnog prostora, opreme, nastavnih sredstava i učila po predmetima za osnovnu školu. Radnici obavljaju sljedeće poslove:

- neposredni odgojno-obrazovni rad (redovna nastava prema Nastavnom planu i programu),
- ostali oblici odgojno-obrazovnog rada (pripremna, dopunska, dodatna, fakultativna nastava),
- planiranje i programiranje svih aktivnosti (godišnje, mjesečno, sedmično),
- izrada izvještaja (klasifikacije, zapisnici, druge evidencije),
- rad s odjeljenjskom zajednicom,
- rad u okviru slobodnih aktivnosti te ostala planiranja i programiranja i drugi neposredni rad,
- individualno stručno usavršavanje,
- rad na uvođenju inovacija, savremenih oblika i metoda rada, učešće u projektima za unaprjeđenje nastavnog procesa,
- rad u stručnim organima (stručni aktivni, odjeljenjsko, razredno i nastavničko vijeće),
- saradnja s roditeljima, pedagogom, psihologom, bibliotekarom i ostalim stručnim saradnicima te upravom škole,
- rad u okviru društvene djelatnosti škole,
- rad na pedagoškoj dokumentaciji i evidenciji i unošenju i korištenju podataka u EMIS bazu podataka kao i drugi stručni poslovi,
- učešće u popravnim i drugim ispitima,
- obavljanje mentorstva,
- učešće u popisu školske imovine (fizički popis i dr.), rad u inventurnoj komisiji, kao i drugim komisijama po imenovanju,
- estetsko uređenje škole i školskog dvorišta,
- ostali poslovi: prikupljanje raznih uplata od učenika za užine, izlete, ekskurzije, pomoći i sl., dežurstvo, zdravstvena zaštita učenika i dr.) i
- drugi poslovi prema Nastavnom planu i programu i po nalogu direktora i Nastavničkog vijeća

Potrebni uslovi kojim se regulira sistematizacija radnih mjesta:

Uslovi za radno mjesto navedeno pod a) redni broj 1. (*Nastavnik bosanskog jezika i književnosti, hrvatskog jezika i književnosti, srpskog jezika i književnosti*) su:

VSS - VII stepen stručne spreme/I, II ili III ciklus bolonjskog visokoobrazovnog procesa/VŠS - VI stepen stručne spreme.

Završena Pedagoška akademija – nastavnik sa završenom grupom bosanski, hrvatski, srpski jezik i književnost ili Filozofski fakultet – profesor odsjek za južnoslovenske jezike i južnoslovensku književnost. Zvanja:

- Profesor bosanskog, hrvatskog, srpskog jezika i književnosti naroda BiH,
- Profesor književnosti naroda BiH i bosanskog, hrvatskog, srpskog jezika,
- Profesor hrvatsko-srpskog/srpsko-hrvatskog jezika i književnosti,
- Profesor književnosti i hrvatsko-srpskog/srpsko-hrvatskog jezika,
- Profesor srpskohrvatskog/hrvatskosrpskog jezika i historije književnosti južnoslavenskih naroda,
- Profesor jugoslovenske književnosti i srpsko-hrvatskog jezika,
- Profesor srpsko-hrvatskog jezika i jugoslovenske književnosti,
- Profesor književnosti naroda BiH i bosanskog jezika,
- Profesor bosanskog jezika i književnosti naroda BiH,
- Magistar bosanskog, hrvatskog, srpskog jezika i književnosti naroda BiH,
- Magistar književnosti naroda BiH i bosanskog, hrvatskog, srpskog jezika i književnosti,
- Bakalaureat/Bachelor književnosti naroda BiH i bosanskog, hrvatskog, srpskog jezika,
- Bakalaureat/Bachelor bosanskog, hrvatskog, srpskog jezika i književnosti naroda BiH,
- Profesor bosanskog jezika i književnosti,
- Magistar bosanskog jezika i književnosti,
- Bachelor bosanskog jezika i književnosti,
- Bachelor bosanskog jezika s književnošću i historije.

Ukoliko lice u toku studija nije polagalo ispit iz pedagoško-psihološko-metodičke grupe predmeta, dužno je ove ispite položiti u roku od godinu dana od dana stupanja na posao nastavnika.

Radni odnos mogu zasnovati i lica koja su završila prvi ciklus bolonjskog visokoobrazovnog procesa do kraja šk. 2020/2021. godine, odnosno do 31.8.2021. godine, s tim da su obavezna završiti II ciklus bolonjskog visokoobrazovnog procesa najkasnije do 27.8.2025. godine. Radni odnos mogu zasnovati i lica koja su stekla VI stepen stručne spreme, po predbolonjskom sistemu studiranja, s tim da su obavezna doškolovati se, u roku od tri godine od dana donošenja programa doškolovanja.

Uslovi za radno mjesto navedeno pod a) redni broj 2. (Nastavnik njemačkog jezika) su:

VSS - VII stepen stručne spreme/I, II ili III ciklus bolonjskog visokoobrazovnog procesa/VŠS - VI stepen stručne spreme:

- Završen Filozofski fakultet - njemački jezik - A predmet u jednopredmetnoj grupi ili njemački jezik A, odnosno B predmet u dvojezičnoj predmetnoj grupi, Pedagoška akademija - odgovarajuća jednopredmetna grupa,
- Završen I ciklus (dodiplomski studij) u trajanju od najmanje tri, odnosno četiri studijske godine, sa akademskom titulom i stručnim zvanjem Bakalaureat/Bachelor,
- Završen drugi ciklus (postdiplomski studij) sa akademskom titulom i stručnim zvanjem Magistra, odnosno završenim trećim ciklusom studija i naučnim zvanjem Doktor nauka,

Ukoliko lice u toku studija nije polagalo ispit iz pedagoško-psihološko-metodičke grupe predmeta, dužno je ove ispite položiti u roku od godinu dana od dana stupanja na posao nastavnika.

Radni odnos mogu zasnovati i lica koja su završila prvi ciklus bolonjskog visokoobrazovnog procesa do kraja šk. 2020/2021. godine, odnosno do 31.8.2021. godine, s tim da su obavezna završiti II ciklus bolonjskog visokoobrazovnog procesa najkasnije do 27.8.2025. godine. Radni odnos mogu zasnovati i lica koja su stekla VI stepen stručne spreme, po predbolonjskom sistemu studiranja, s tim da su obavezna doškolovati se, u roku od tri godine od dana donošenja programa doškolovanja.

Uslovi za radno mjesto navedeno pod a) redni broj 3. (Nastavnik informatike) su:

VSS - VII stepen stručne spreme/I, II ili III ciklus bolonjskog visokoobrazovnog procesa/VŠS - VI stepen stručne spreme:

- Profesor Bakalaureat/bachelor - nastavnički smjer:
 - Profesor informatike,
 - Profesor tehničkog odgoja i informatike,
 - Profesor matematike i informatike,
 - Bakalaureat/bachelor informatike i tehnike,
 - Bakalaureat/bachelor matematike i informatike,
 - Bakalaureat/bachelor tehničkog odgoja i informatike,
 - Bakalaureat/bachelor fizike i informatike,
 - Bakalaureat/bachelor kulture življenja i tehničkog odgoja sa informatikom,
- Magistar - nastavnički smjer:
 - Magistar tehničkog odgoja i informatike,
 - Magistar računarstva i informatike,
 - Magistar matematike i informatike,
 - Magistar informatike i tehnike,
 - Magistar matematike, nastavnički smjer,
- Profili i stručne spreme uz uslov položene pedagoško-psihološke i metodičko-didaktičke grupe predmeta:
 - Bakalaureat/bachelor softverskog inženjerstva,
 - Diplomirani matematičar-informatičar,
 - Diplomirani informatičar,
 - Diplomirani inženjer informatike i računarstva,
 - Diplomirani inženjer elektrotehnike,
 - Magistar softverskog inženjerstva,
 - Magistar matematičkih nauka, smjer teorijska kompjuterska nauka,
- Dodatni profili stručne spreme u skladu s Odlukom o donošenju dopuni Nastavnog plana i programa za osnovnu školu iz nastavnog predmeta *Informatika* broj: 11-34-18969/23 od 19.5.2023. godine:
 - Nastavnik fizike i informatike,
 - Nastavnik matematike i informatike,
 - Nastavnik informatike i tehničke kulture sa fizikom,
 - Profesor tehnike i informatike,
 - Profesor informatike i tehnike,
 - Magistar kulture življenja i tehničkog odgoja sa informatikom,
 - Magistar informacionih sistema,
 - Magistar informacionih tehnologija,
 - Bachelor saobraćaja, smjer kompjutersko-informacione tehnologije,
 - Magistar saobraćaja, smjer kompjutersko-informacione tehnologije,
 - Diplomirani inženjer kompjuterskih nauka,
 - Diplomirani inženjer informacionih sistema,
 - Diplomirani inženjer računarstva i informatike,
 - Bachelor - Inženjer elektrotehnike, Odsjek za automatiku i elektroniku,
 - Bachelor - Inženjer elektrotehnike, Odsjek za elektroenergetiku,
 - Bachelor Inženjer elektrotehnike, Odsjek za računarstvo i informatiku,
 - Bachelor - Inženjer elektrotehnike, Odsjek za telekomunikacije,
 - Magistar elektrotehnike - diplomirani inženjer elektrotehnike, Odsjek automatika i elektronika,
 - Magistar elektrotehnike - diplomirani inženjer elektrotehnike, Odsjek računarstvo i informatika,
 - Magistar elektrotehnike - diplomirani inženjer elektrotehnike, Odsjek telekomunikacije,
 - Magistar elektrotehnike - diplomirani inženjer elektrotehnike, Odsjek elektroenergetika.

Ukoliko lice u toku studija nije polagalo ispit iz pedagoško-psihološko-metodičke grupe predmeta, dužno je ove ispite položiti u roku od godinu dana od dana stupanja na posao nastavnika.

Radni odnos mogu zasnovati i lica koja su završila prvi ciklus bolonjskog visokoobrazovnog procesa do kraja šk. 2020/2021. godine, odnosno do 31.8.2021. godine, s tim da su obavezna završiti II ciklus bolonjskog visokoobrazovnog procesa najkasnije do 27.8.2025. godine. Radni odnos mogu zasnovati i lica koja su stekla VI stepen stručne spreme, po predbolonjskom sistemu studiranja, s tim da su obavezna doškolovati se, u roku od tri godine od dana donošenja programa doškolovanja.

Uslovi za radno mjesto navedeno pod a) redni broj 4. (*Nastavnik tjelesnog i zdravstvenog odgoja*) su:

VSS - VII stepen stručne spreme/I, II ili III ciklus bolonjskog visokoobrazovnog procesa/VŠS - VI stepen stručne spreme:

- Završen Fakultet za fizičku kulturu/Fakultet za sport ili Pedagoška akademija - smjer tjelesni i zdravstveni odgoj,
- Nastavu mogu izvoditi i lica sa završenim I (prvim) ciklusom odgovarajućeg studija visokog obrazovanja (dodiplomski studij) u trajanju od najmanje tri, odnosno četiri studijske godine, sa akademskom titulom i stručnim zvanjem Bakalaureat/Bachelor u oblasti sporta i tjelesnog odgoja, odnosno sa završenim II (drugim) ciklusom odgovarajućeg studija visokog obrazovanja (postdiplomski studij), sa akademskom titulom i stručnim zvanjem Magistra u oblasti sporta i tjelesnog odgoja, odnosno završenim trećim ciklusom studija i naučnim zvanjem Doktor nauka i odgovarajućim stručnim profilom u oblasti sporta i tjelesnog odgoja.

Ukoliko lice u toku studija nije polagalo ispit iz pedagoško-psihološko-metodičke grupe predmeta, dužno je ove ispite položiti u roku od godinu dana od dana stupanja na posao nastavnika.

Radni odnos mogu zasnovati i lica koja su završila prvi ciklus bolonjskog visokoobrazovnog procesa do kraja šk. 2020/2021. godine, odnosno do 31.8.2021. godine, s tim da su obavezna završiti II ciklus bolonjskog visokoobrazovnog procesa najkasnije do 27.8.2025. godine. Radni odnos mogu zasnovati i lica koja su stekla VI stepen stručne spreme, po predbolonjskom sistemu studiranja, s tim da su obavezna doškolovati se, u roku od tri godine od dana donošenja programa doškolovanja.

Uslovi za radno mjesto navedeno pod a) redni broj 5. (*Nastavnik likovne kulture*) su:

VSS - VII stepen stručne spreme/I, II ili III ciklus bolonjskog visokoobrazovnog procesa/VŠS - VI stepen stručne spreme,

- Završena Akademija likovnih umjetnosti - nastavnički smjer ili neki drugi smjer Akademije likovnih umjetnosti ukoliko su položili grupu pedagoško – psiholoških predmeta,
- Nastavu mogu izvoditi i lica sa završenim I (prvim) ciklusom odgovarajućeg studija visokog obrazovanja (dodiplomski studij) u trajanju od najmanje tri, odnosno četiri studijske godine, sa akademskom titulom i stručnim zvanjem Bakalaureat/Bachelor likovnih umjetnosti - edukacija likovnih umjetnosti, odnosno sa završenim II (drugim) ciklusom odgovarajućeg studija visokog obrazovanja (postdiplomski studij), sa akademskom titulom i stručnim zvanjem Magistra likovnih umjetnosti - edukacija likovnih umjetnosti, odnosno završenim trećim ciklusom studija i naučnim zvanjem Doktor nauka ili Doktor umjetnosti i odgovarajućim stručnim profilom.

Ukoliko lice u toku studija nije polagalo ispit iz pedagoško-psihološko-metodičke grupe predmeta, dužno je ove ispite položiti u roku od godinu dana od dana stupanja na posao nastavnika.

Radni odnos mogu zasnovati i lica koja su završila prvi ciklus bolonjskog visokoobrazovnog procesa do kraja šk. 2020/2021. godine, odnosno do 31.8.2021. godine, s tim da su obavezna završiti II ciklus bolonjskog visokoobrazovnog

procesa najkasnije do 27.8.2025. godine. Radni odnos mogu zasnovati i lica koja su stekla VI stepen stručne spreme, po predbolonjskom sistemu studiranja, s tim da su obavezna doškolovati se, u roku od tri godine od dana donošenja programa doškolovanja

Uslovi za radno mjesto navedeno pod b) redni broj 1. (Nastavnik engleskog jezika) su:

VSS - VII stepen stručne spreme/I, II ili III ciklus bolonjskog visokoobrazovnog procesa/VŠS - VI stepen stručne spreme:

- Diplomirani profesor engleskog jezika i književnosti,
- Završen I ciklus (dodiplomski studij) u trajanju od najmanje tri, odnosno četiri studijske godine, sa akademskom titulom i stručnim zvanjem Bakalaureat/Bachelor,
- Završen drugi ciklus (postdiplomski studij) sa akademskom titulom i stručnim zvanjem Magistra, odnosno završenim trećim ciklusom studija i naučnim zvanjem Doktor nauka.

Ukoliko lice u toku studija nije polagalo ispit iz pedagoško-psihološko-metodičke grupe predmeta, dužno je ove ispite položiti u roku od godinu dana od dana stupanja na posao nastavnika.

Radni odnos mogu zasnovati i lica koja su završila prvi ciklus bolonjskog visokoobrazovnog procesa do kraja šk. 2020/2021. godine, odnosno do 31.8.2021. godine, s tim da su obavezna završiti II ciklus bolonjskog visokoobrazovnog procesa najkasnije do 27.8.2025. godine. Radni odnos mogu zasnovati i lica koja su stekla VI stepen stručne spreme, po predbolonjskom sistemu studiranja, s tim da su obavezna doškolovati se, u roku od tri godine od dana donošenja programa doškolovanja.

Uslovi za radna mjesta navedena pod c) redni broj 1. i d) redni broj 1. (Nastavnik razredne nastave) su:

VSS - VII stepen stručne spreme/I, II ili III ciklus bolonjskog visokoobrazovnog procesa/VŠS - VI stepen stručne spreme:

- Završena Pedagoška akademija/fakultet, četverogodišnji studij - profesor razredne nastave, Pedagoška akademija - odsjek razredna nastava - nastavnik razredne nastave,
- Nastavu mogu izvoditi i lica sa završenim I (prvim) ciklusom odgovarajućeg studija visokog obrazovanja (dodiplomski studij) u trajanju od najmanje tri, odnosno četiri studijske godine, sa akademskom titulom i stručnim zvanjem Bakalaureat/Bachelor za određenu oblast, odnosno sa završenim II (drugim) ciklusom odgovarajućeg studija visokog obrazovanja (postdiplomski studij), sa akademskom titulom i stručnim zvanjem Magistra za određenu oblast, odnosno završenim trećim ciklusom studija i naučnim zvanjem Doktor nauka i odgovarajućim stručnim profilom.

Radni odnos mogu zasnovati i lica koja su završila prvi ciklus bolonjskog visokoobrazovnog procesa do kraja šk. 2020/2021. godine, odnosno do 31.8.2021. godine, s tim da su obavezna završiti II ciklus bolonjskog visokoobrazovnog procesa najkasnije do 27.8.2025. godine. Radni odnos mogu zasnovati i lica koja su stekla VI stepen stručne spreme, po predbolonjskom sistemu studiranja, s tim da su obavezna doškolovati se, u roku od tri godine od dana donošenja programa doškolovanja

Član 3.

(Dodatno bodovanje po osnovu dopunskih prava boraca – branitelja BiH i članova njihovih porodica)

Nakon bodovanja na osnovu općih i posebnih kriterija u skladu sa Pravilnikom s kriterijima za prijem radnika u radni odnos u osnovnim školama kao javnim ustanovama na području Kantona Sarajevo („Službene novine Kantona Sarajevo“ broj 12/22 i 22/22 – u daljem tekstu: Pravilnik), na ukupan broj prethodno ostvarenih bodova, u zavisnosti o pripadnosti boračkoj populaciji (borci-branitelji BiH i članovi njihovih porodica) dodaju se i bodovi kako je to propisano Uredbom o jedinstvenim kriterijima i pravilima za zapošljavanje branilaca i članova njihovih porodica u institucijama

u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“ br. 37/20 i 27/21), a dodatni bodovi se računaju u skladu sa Instrukcijom o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj: 38/20 i 28/21).

Pravo na dodatne bodove ostvaruju branioci i članovi njihovih porodica pod sljedećim uslovima:

- a) da imaju prijavljeno prebivalište/boravište u Kantonu Sarajevo i
- b) da se nalaze na evidenciji JU „Služba za zapošljavanje Kantona Sarajevo" ili su zaposleni na određeno vrijeme ili da su zaposleni sa nižom stručnom spremom od one koju posjeduju.

Da bi kandidat ostvario pravo na dodatne bodove, obavezan je dostaviti dokaz da je u evidenciji JU Služba za zapošljavanje Kantona Sarajevo evidentiran kao nezaposlena osoba (Uvjerenje Službe, ne starije od datuma objavljivanja Javnog konkursa) ili dokaz da je zaposlen na određeno vrijeme (Potvrda izdata od strane Poslodavca, ne starija od datuma objavljivanja Javnog konkursa) ili dokaz da je zaposlen sa nižom stručnom spremom od one koju posjeduje (Potvrda poslodavca sa obaveznom naznakom stepena stručne spreme/zanimanja s kojim je radnik zasnovao radni odnos kod poslodavca, ne starija od datuma objavljivanja Javnog konkursa).

Član 4.

(Mjesto obavljanja rada i radno vrijeme)

Mjesto obavljanja rada radnika navedenih pod a) redni brojevi 1-5; b) redni broj 1; c) redni broj 1. i d) redni broj 1. je na adresi JU Osnovna škola „Hadžići“ Hadžići ul. Zlatnih ljiljana 57, 71240 Hadžići i/ili na adresi područne škole, ul. Binježevo 31, 71240 Hadžići.

Radno vrijeme radnika navedenih pod: a) redni brojevi 1-5; b) redni broj 1; c) redni broj 1. i d) redni broj 1. se ostvaruje zavisno od rasporeda časova u školskoj 2023/2024. godini i traje u dužini radnog vremena utvrđenog prijavom na PIO, Kolektivnim ugovorom, Pravilnikom o radu i Ugovorom o radu radnika.

Član 5.

(Osnovna plaća)

Osnovna plaća radnika s punom nastavnom normom/radnim vremenom navedenih pod a) redni brojevi 1-5; b) redni broj 1; c) redni broj 1. i d) redni broj 1. iznosi za:

- nastavnik sa završenim VII stepenom stručne spreme, I/II/III ciklus bolonjskog visokoobrazovnog procesa (180, 240, 300 ECTS) - **1.306,80 KM;**
- nastavnik - *mentor*, sa završenim VII stepenom stručne spreme, I/II/III ciklus bolonjskog visokoobrazovnog procesa (180, 240, 300 ECTS) - **1.343,10 KM;**
- nastavnik - *savjetnik*, sa završenim VII stepenom stručne spreme, I/II/III ciklus bolonjskog visokoobrazovnog procesa (180, 240, 300 ECTS) - **1.379,40 KM;**
- nastavnik - *viši savjetnik*, sa završenim VII stepenom stručne spreme, I/II/III ciklus bolonjskog visokoobrazovnog procesa (180, 240, 300 ECTS) - **1.448,70 KM;**
- nastavnik sa završenom VŠS - **1.201,20 KM**, nastavnik sa završenom VŠS, *mentor* - **1.237,50 KM**, nastavnik sa završenom VŠS, *savjetnik* **1.270,50 KM**, nastavnik sa završenom VŠS, *viši savjetnik* - **1.343,10 KM;**

Tačan iznos osnovne plaće utvrđuje se na osnovu stečenog zvanja i stepena stručne spreme nastavnika/radnika.

Osnovna plaća nastavnika/radnika sa nepunom nastavnom normom odredit će se u skladu sa Zakonom, Kolektivnim ugovorom i Pravilnikom o radu, srazmjerno vremenu provedenom na radu.

Član 6.

(Rok za podnošenje prijave)

Konkurs ostaje otvoren 10 dana od dana objave obavještenja o raspisanom konkursu u dnevnim novinama.

Član 7.
(Telefon kontakt osobe zadužene za davanje dodatnih obavještenja)

Kontakt telefon osobe zadužene za davanje dodatnih obavještenja je 033 408 810.

Član 8.
(Adresa na koju se prijave podnose i način predaje dokumentacije)

Prijave na Javni konkurs sa dokazima o ispunjavanju uslova za konkurs podnose se Konkursnoj komisiji preporučeno poštom ili lično na protokol Škole u zatvorenoj koverti s naznakom „Prijava na javni konkurs na poziciju (navesti ime i prezime kandidata, adresu i poziciju/e za koju/e je raspisan javni konkurs) NE OTVARAJ – OTVARA KOMISIJA“ na adresu: **JU Osnovna škola „Hadžići“ Hadžići, ul. Zlatnih ljiljana 57, 71240 Hadžići.**

Nepotpune, neblagovremene i neuredne prijave, neće se uzeti u razmatranje.

Član 9.
(Dokumentacija koja se podnosi uz prijavu)

Za zasnivanje radnog odnosa, pored općih uslova utvrđenih Zakonom o radu („Službene novine FBiH“ broj: 26/16, 89/18 i 44/22), kandidati treba da ispunjavaju i posebne uslove predviđene Zakonom o osnovnom odgoju i obrazovanju Kantona Sarajevo („Službene novine Kantona Sarajevo“ broj: 23/17, 33/17, 30/19, 34/20 i 33/21), Nastavnim planom i programom za osnovnu školu, Pedagoškim standardima i općim normativima za osnovni odgoj i obrazovanje i normative radnog prostora, opreme, nastavnih sredstava i učila po predmetima za osnovnu školu („Službene novine Kantona Sarajevo“ br. 30/18, 9/22, 20/22 i 23/23) i Pravilnikom o unutrašnjoj organizaciji i sistematizaciji radnih mjesta u JU Osnovna škola „Hadžići“ Hadžići.

1. OBAVEZNA DOKUMENTACIJA (kopije ili ovjerene kopije)

- a) svojeručno potpisana pisana prijava kandidata na konkurs s kratkom biografijom, tačno navedenom dokumentacijom koja se prilaže uz prijavu na konkurs, tačnom naznakom na koju poziciju se konkuriše i kontakt podacima kandidata (adresa, broj telefona, e-mail adresa);
- b) diploma/uvjerenje/svjedodžba o stečenoj stručnoj spremi;
- c) izvod iz matične knjige rođenih;
- d) uvjerenje o državljanstvu Bosne i Hercegovine (ne starije od šest mjeseci);
- e) svojeručno potpisana saglasnost o dostavljanju preliminarne odluke prema kojoj se kandidatu, preliminarne odluke iz člana 19. Pravilnika, dostavljaju elektronskom poštom na adresu koju je kandidat naveo u prijavi na javni konkurs;
- f) druge dokaze o ispunjavanju uslova za to radno mjesto, a koji su navedeni u javnom konkursu.

2. DODATNA DOKUMENTACIJA (kopije ili ovjerene kopije)

- a) uvjerenje o radnom stažu sa tačno naznačenim poslovima i radnim zadacima (šifra zanimanja) koje izdaje fond za penzijsko-invalidsko osiguranje;
- b) potvrda/uvjerenje poslodavca o vremenu provedenom na poslovima nastavnika u produženom i cjelodnevnom boravku redovne osnovne škole i poslovima asistenta u ustanovi;
- c) potvrda/uvjerenje poslodavca o vremenu provedenom na stručnom osposobljavanju u ustanovi;
- d) uvjerenje o položenom stručnom ispitu;
- e) potvrda/uvjerenje o vremenu provedenom na evidenciji službe za zapošljavanje koju/e izdaje Služba za zapošljavanje Kantona Sarajevo (ne starija/e od tri mjeseca);
- f) rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i stjecanju stručnih zvanja odgajatelja, profesora/nastavnika i stručnih saradnika u

predškolskim ustanovama, osnovnim i srednjim školama i domovima učenika, odnosno propisom koji se primjenjuje na teritoriji Bosne i Hercegovine, kojim je stečeno zvanje na osnovu istih kriterija i u istoj proceduri kao u navedenom pravilniku;

- g) diploma/uvjerenje o stečenom akademskom zvanju;
- h) potvrda o posebnom priznanju UNSA;
- i) uvjerenje/rješenje nadležnih organa o pripadnosti boračkoj populaciji i to:
 1. uvjerenje o statusu djeteta šehida-poginulog borca i nestalog branioca;
 2. rješenje o priznatom pravu na porodičnu invalidninu za suprugu šehida-poginulog, umrlog i nestalog branioca i uvjerenje o učešću u oružanim snagama za šehida/poginulog, umrlog i nestalog branioca, rješenje o priznatom svojstvu ratnog vojnog invalida;
 3. dokaz o bračnoj zajednici sa ratnim vojnim invalidom;
 4. rješenje o priznatom pravu na mjesečno novčano primanje dobitniku priznanja;
 5. uvjerenje o učešću u oružanim snagama;
 6. uvjerenje o statusu djeteta ratnog vojnog invalida;
 7. rješenje o priznatom pravu na invalidninu ili mjesečni novčani dodatak ili uvjerenje o učešću u oružanim snagama koje izdaje općinska služba za boračko-invalidsku zaštitu odnosno grupa za pitanja evidencije iz oblasti vojne obaveze prema mjestu prebivališta (ne starije od šest mjeseci);
- j) uvjerenje/potvrdu o neprekidnom prebivalištu na području Kantona Sarajevo u posljednja 24 mjeseca (ne starije od šest mjeseci).

Prijava kandidata koji nije dostavio dodatnu dokumentaciju će se smatrati urednom, a prijavljeni kandidati će se bodovati samo po osnovu onih kriterija za koje je dostavio urednu i validnu dokumentaciju.

Dokumentacija koju kandidat dostavlja uz svojeručno potpisanu prijavu na konkurs mogu biti kopije, koje ne moraju biti ovjerene, uz obavezu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije pet dana po dobijanju konačne odluke o izboru radnika.

Deset najbolje rangiranih kandidata sa Bodovne liste nastavnika, stručnih saradnika i saradnika odnosno Bodovne rang liste radnika za obavljanje drugih poslova u ustanovi će elektronskom poštom na adresu navedenu u prijavi na javni konkurs biti obavješteni o mjestu i vremenu obavljanja razgovora sa direktorom škole.

Nakon konačnosti odluke o izboru radnika, a najkasnije na dan početka rada u školi, izabrani kandidat je dužan dostaviti ljekarsko uvjerenje nadležne zdravstvene ustanove koje nije starije od šest mjeseci, kao i drugu dokumentaciju u skladu sa zakonom i internim aktima Škole, nakon čega direktor zaključuje ugovor o radu sa izabranim kandidatom. Sistematski ljekarski pregled koji se organizuje u skladu sa Kolektivnim ugovorom za djelatnosti predškolskog odgoja i osnovnog odgoja i obrazovanja u Kantonu Sarajevo je ekvivalent ljekarskom uvjerenju nadležne zdravstvene ustanove.

Obavještenje o raspisanom javnom konkursu bit će objavljeno u dnevnim novinama, a kompletan tekst konkursa će biti objavljen na službenoj internet stranici JU Osnovna škola „Hadžići“ Hadžići i putem službenog e-maila škole dostavljen Ministarstvu za odgoj i obrazovanje Kantona Sarajevo i JU „Služba za zapošljavanje Kantona Sarajevo“ radi objavljivanja na njihovim službenim internet stranicama uz naznaku isteka roka za prijavu na konkurs i ostat će objavljen na službenoj internet stranici škole u čitavom periodu roka prijave.

Kriteriji, procedure, uslovi, način bodovanja i izbor kandidata po ovom javnom konkursu utvrđeni su Pravilnika s kriterijima za prijem radnika u radni odnos u osnovnim školama kao javnim ustanovama na području Kantona Sarajevo („Službene novine Kantona Sarajevo“ broj: 12/22 i 22/22).

Član 10. **(Stupanje na snagu Odluke)**

Odluka stupa na snagu danom donošenja.

**PREDSJEDNICA
ŠKOLSKOG ODBORA**

Jasmina Rahmanović, dipl. oec.